



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1516574
ՎԱՐՉԱԿԱՆ ՎԱՐՈՒՅԹԻ ՎԵՐՍԿՍՄԱՆ,
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

30 մայիսի 2022թ.

Բ. Երևան
(կազմման վայրը)

Ակտի հասցեատեր

«ՖՐԱԿՑԻԱ» ՓԲԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	3	3	0	8	2	3	5
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Բ. Երևան, Վրացական փ. 6 21

(անհատ ձեռնարկատիրոջ հաշվառման հասցեն կամ իրավաբանական անձի գրանցված վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 18.04.2022թ-ի թիվ 1516574 որոշման համաձայն «Ֆրակցիա» ՓԲԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 19.04.2021թ-ին ժամը 13:05-ի սահմաններում, Կոտայքի մ. գ. Ջրաբերի տարածքում գտնվող ընկերությանը պատկանող ավազի հանքավայրից դուրս է եկել Ռաֆիկ Մովսիսյանի կողմից շահագործվող «Զիլ» մակնիշի 37 SL 426 հաշվառման համարանիշի բեռնատար ավտոմեքենան և ժամը 13:10-ի սահմաններում կանգ է առել Երևան-Սևան մայրուղու, վերոնշված հանքավայրից մոտ 500մ հեռավորության վրա: ՕՀՄ-ի ընթացքում պարզվել է, որ «Զիլ» մակնիշի 37 SL 426 հաշվառման համարանիշի բեռնատար ավտոմեքենայի թափքում առկա էր՝ ընդամենը 18.000 ՀՀ դրամ արժեքով 6 մ³ սպիտակ ավազ, որը Ռաֆիկ Մովսիսյանի կողմից ձեռք էր բերվել «Ֆրակցիա» ՓԲԸ-ի Կոտայքի մ. գ. Ջրաբերի տարածքում գտնվող ընկերությանը պատկանող ավազի հանքավայրից վճարելով կանխիկ 18.000 ՀՀ դրամ: Ընկերության կողմից Ռաֆիկ Մովսիսյանին չի տրամադրվել համապատասխան ուղեկցող փաստաթուղթ: Այսպիսով ընկերության կողմից իրականացվել է՝ ընդամենը 18.000 ՀՀ դրամ արժեքով 6մ³ սպիտակ ավազի մատակարարում՝ առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 18.000 ՀՀ դրամ արժողությամբ ապրանքների մատակարարման համար հարկ վճարողի կողմից 19.04.2022թ-ին ժամը 13:05-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է նաև Ռաֆիկ Մովսիսյանի կողմից 19.04.2022թ-ին տրված գրավոր հայտարարությամբ:

Թիվ 1516574 արձանագրությամբ 19.04.2022թ. հարուցվել է վարչական վարույթ: Նկատի ունենալով, որ վարչական ակտի հասցեատերը պատշաճ ծանուցված չի եղել վարչական վարույթի լուծմանը մասնակցելու համար, թիվ 1516574 արձանագրությամբ 19.04.2022թ. հարուցված վարչական վարույթը ՀՀ ՊԵԿ իրավաբանական վարչության պետի 17.05.2022թ-ի որոշմամբ կասեցվել է, մինչև վարչական ակտի հասցեատիրոջն ի հայտ բերելը: 30.05.2022թ-ին նշանակված վարչական վարույթի լուծմանը մասնակցելու համար ծանուցագիրը և կասեցման որոշումը ընկերության կողմից փոստային ծառայության միջոցով պատշաճ ստացվել է 20.05.2022թ-ին:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտաբերության) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված իրավահարաբերության ծագման պահին գործող խմբագրությամբ ՀՀ Հարկային օրենսգրքի 410-րդ հոդվածի 1-ին մասի 2-րդ կետի ա) ենթակետի համաձայն, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երկրորդ փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 100 տոկոսի չափով, բայց ոչ պակաս 500 հազար դրամից:

Տվյալ դեպքում «Ֆրակցիա» ՓԲԸ-ի կողմից խախտումը վերջին 1 տարվա ընթացքում կատարվել է երկրորդ անգամ (ՀՀ ՊԵԿ իրավաբանական վարչության 08.12.2021թ-ի թիվ 1514407 վարչական ակտ): Ապրանքների ընդհանուր գումարը կազմում է 18.000 ՀՀ դրամ, որի 100 տոկոսը կազմում է 18.000 ՀՀ դրամ, ուստի օրենսդրական պահանջից ելնելով «Ֆրակցիա» ՓԲԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասով և ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. «Ֆրակցիա» ՓԲԸ-ի վերաբերյալ 19.04.2022թ-ի թիվ 1516574 արձանագրությամբ հարուցված վարչական վարույթը վերսկսել:
2. Հաշվարկել և «Ֆրակցիա» ՓԲԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

3. Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

տնօրեն Խորեն Հակոբյան



ստորագրությունը

ընդամենը 3 էջ

2022թ.

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատիր նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտոնական պատճենի հավելում)

ստորագրությունը

(նշում ակտը ստորագրելուց և (կամ) ստանալուց հրաժարվելու մասին)